

BAKA SAKALI

Habang

ang karamihan
ay nagkukubli
sa kalaban na napakatapang.

Habang

namamayagpag
at hindi man lang nabahag
ang buntot ng ilang pasikat.

Habang

ang daan
ay tila naubusan
ng mga sasakyang nakikiraan.

Habang

ang iilan
ay ibinibilang
madami pa rin ang nangangailangan.

Habang

ang hangin
ay humihinhin
nanlamig at nanamlay ang pag-ihip.

Habang

ang kalawakan
ay nagbabalik
sa orihinal niyang katauhan.

Ang mga napiling iilan,
ay nakikipagbuno.

Ipinaglalaban,
ang buhay
para sa
buhay.

